









東山志卷之一

形勝

山

東山會稽志云在上虞縣西南四十五里小江之東晉太傅謝安所居也巋然特立於衆峯間拱揖蔽虧如鸞雀飛舞千嶂林立下視滄海水天相接蓋絕景也謝安傳云寓居會稽與王羲之許詢支遁游出則漁弋山水入則言詠屬文後雖受朝寄然東山之志始末不渝靈運傳云父祖並葬始寧山中并有故宅





及野遂移籍會稽故其詩云久欲還東山又云廻景歸東山太  
傳始居此及出鎮新城欲造泛海之裝自海道還東雅志未就  
而沒後卒葬焉今山西有太傅墓靈運自移籍會稽多在始寧  
其山居賦云南北兩居水通陸阻兩居謂南北兩處南山是開  
創卜居之處傳云修營別業傍山帶江盡幽居之美嘗考東山  
因太傅而名者三一在臨安山中傳云嘗坐石室臨濟谷歎曰  
此與伯夷何遠一在金陵傳云及登台輔於土山營墅携子姪  
往來游集蓋文靖故居東山後入朝乃於此營築以擬之是二

山雖太傅平生之所游歷非故居之東山惟始寧東山乃其故  
居其證明甚王羲之語劉惔曰若安石東山志立當與天下共  
推之晉陽秋曰安石家於會稽上虞縣優游山林共七年間徵  
不至雖彈奏相屬繼以禁錮晏然不屬也而高臥歷年所以  
放情丘壑正在是山今觀東山太傅始隱於此終葬於此而玄  
瑒與靖同生七人及方明兩葬數十喪皆昭穆從祔至靈運修  
營業復居之是以千餘年來東山之名益芳國慶院之供奉  
謝氏香火至今不絕也



安石山俗名雅鵲尖在東山之北文靖所遺

湖南山在東山之東文靖所遺

東眺山在東山之東文靖所遺

西眺山在東山之西文靖所遺其遺者斷碑字畫磨糊

指石山在東山之西志云俗呼為公斬山有二石長二丈餘斜

立江上望之如指循此而東石壁逶迤直至東山下

岡西山在東山之東

盤龍山

江家山

嵎山在東山之南水經云山下有亭帶山臨江松嶺森鬱蓋

即謝氏開創卜居之處

石壁山在鼓吹樓山之北靈運有精舍

姥山在東山之西二里

上浦山在東山之西南四里

銅山見靈運詩近靈運所居

橫山文選註云自南樓有許步對橫山



車騎山近東山舊經云晉車騎將軍謝玄為會稽內史嘗于此  
山立樓居止後人因以為名山中有三精舍水陸寧晏足為避  
地之鄉詳見車騎宅下今在嵎縣游謝鄉

嵎山與地志云兩岸峻壁乘高臨水深林茂竹表裏輝映為嵎  
嵎奔瀨迅湍以至剌也水經云嵎山與嵎山接其間傾瀨懷煙  
泉豁引霧吹畦風馨觸岫延賞王元琳謂之神明境事見謝靈  
運山居賦又云嵎山有成功嶠西有一峽峰飛禽罕至山頂  
樹下有十二方石地甚平潔嘗有採藥者沿山見通谿至此還

復更尋遂迷前路按王銍游山記云湖之南為嵎山則國慶隆  
乃古之嵎山院在石壁谷中故靈運謂之第一谷亦曰舊園曰  
讀書齋自院山南望山水含暉高出雲表舊景儼然如存則嵎  
山在其南嵎山在其北靈運有自南山往北山詩止指嵎山也  
今在嵎縣北四十里

湖頂山四百餘畝縣治北文靖所遺

謝巖山

謝巖山下有涼泉寺至今山名謝巖田名謝巖坂文靖遺跡也



鳳凰山今在嵯縣北三十里游謝鄉謝康樂所常游有謝仙君祠舊錄云山畧深峭被以綦箭有巨澗奔激清湍澗騰映帶左右入於谿下為三墜嶺其深淵迂裊紺碧一色  
桂林山十道志云謝靈運著山居賦處或云始寧之東山也一作懋林又作楸林

覆卮山近東山上虞志云高數百仞狀如覆卮東與太平山聯絡上有平石可坐數十人世傳謝靈運嘗登此山飲罷覆卮石上故名今石有一竅大旱不涸呼為龍眠窟登絕頂望之四明

尖海皆在目下古詩云四海澄清氣朗時青雲頂上采靈芝  
山嶺記山高處醉向崖頭覆一卮

謝家山在東山之東南里許突出平地亦謝氏所遺

按東山攷云紹興經界行院山之在版籍者尚萬畝今去晉千二百年山之隔遠者為人侵漁莫知其處然在東山左右前後寺僧守之以供奉香火尚存五百餘畝其界東至盤龍山西至馬家湖山峯南至行路北至姥山湖山其山在晉時屬始寧縣自始寧縣廢分屬上虞南鄉嵯縣北鄉



峯

楊賓峯見山居賦近西則楊賓接峯

南峯見山居賦改南峯以啓軒

崖

北崖見山居賦轉北崖而掩後

巖

千丈巖在東山之東

蟻蛭巖在西北巖山右近東山

嶺

南嶺見山居賦面南嶺建經臺

岡

平窩岡在東山之西北聯調馬岡

調馬岡在東山之西太傅調馬之處

古洞

薔薇洞在東山之西南李白詩云薔薇幾度花王性之記云謝文靖携妓游戲之地雖草莽蒙塞然古色不改宛有六朝氣象



谷

五谷

南谷俱見山居賦谷障水畎入田口

嶠

成功嶠上虞志云去縣西南五十里近東山在浦陽湯浦之匯

入始寧門世傳謝玄新破苻堅歸為會稽內史縣人榮之故旌

其里門嶠壁立臨江欹路峻狹不得併行者牽木稍進不敢

俯視見嶠山下

隰

花隰在東山之北

阜

北阜見山居賦倚北阜築講堂

灣

箬灣口在東山之西文靖所遺

東灣

西灣俱在東山之西文靖所遺



巢

大巢

小巢

謝巢俱在東山之東文靖所遺

石

石門志云謝靈運卜居之所其詩云躋險築幽居披雲臥石門  
即此地也文選註云石門澗六處石門趨水上入兩山口左邊  
石壁右邊石巖下臨澗水今上東山石徑有大小石門二處巖

立其間出入由之因謂石門云

石塚見山居賦在石滂之東

謝巖彈石今在岷縣北十五里游謝鄉謝靈運游此四顧放彈

丸落處為祠有大石如彈丸王公嶠山賦曰靈運彈飛巖墮慕

此堪棲

石滂見山居賦在西谿之東從縣南入九里兩面峻峭水自上

飛下北至外谿封磴十數里皆飛流迅激左右石壁

石磴見山居詩



閔研見山居賦在石滂之東谿逶迤下注良田  
黃竹見山居賦在石滂之東與其南連界莆中也

青雲梯靈運詩所謂共登青雲梯李白詩所謂身登青雲梯是  
也

秦稽顏延年和靈運舊園詩云跛子間衡嶠易月瞻秦稽孟浩  
然越中詩云未能三魏闕空此滯秦稽

覆卮石

龍眠石俱在覆卮山傳云謝靈運嘗登此山飲罷覆酒卮石上  
故名又山有石竅水流不涸人呼為龍眠石南徑見靈運詩

謝車騎坐石游謝鄉十八都車騎山有石石如壘如稜如鑿

水經云樹下有三方石地甚方潔石瀨見靈運詩

謝康樂石牀在嶠山下康樂嘗垂釣于此出舊經石下舊有古  
人姓名云以上二石舊志載在石洞下龍眠窟見覆卮山下

苑

三苑見山居賦



鄉

康樂鄉今在嵎縣東十里

東土鄉即安石棲遯東土之處

游謝鄉志云謝康樂舊游之處也紹興初陳子高詩云雨裏落  
颿游謝鄉寒聲古木共荒涼四山為我洗蒼玉况有故人歸上  
方故人汪彥章也時寓東山國慶院故云

里

游謝里

康樂里俱在嵎縣

謝公里志云東土鄉有三其一曰謝公里即太傅所居之里

江

小江在東山西一里

泉

雉窠泉在國慶院影堂後

九泉見山居賦

湖



謝畧湖在遺田上承蔭是田

和尚湖在遺田上承蔭是田

巫湖見山居賦

大巫湖見山居賦及詩

小巫湖見山居賦及詩

謝陂湖志云即上妃湖舊經云靈運莊也自朝至謝氏西莊一十餘里

太康湖水經云崑山下馬太康湖

味壘湖在始寧見靈運傳

姚山湖東山西二里

港

水

故港志云在古嶧縣游謝鄉有康樂遺迹以味東為康樂鄉港

東即四明東岬二山屬餘姚新昌二縣大抵皆古剡中也

谿

剡谿自嶧縣而出遠至東山下

西谿見山居賦水出始寧縣西谷



室壁巖見山居賦室壁帶巖

浦

杜浦志云梁杜京產之居也按京產傳在始寧東山開舍授學  
州辟從事稱疾去自浦之東山一里許其山舍下臨此浦也

孫家浦

顧墅浦

渚

安石渚世說劉尹為會稽歎自我當泊安石渚下不敢復近也

曠傍

洲

三洲見山居賦

圻

琵琶圻在東山西南水經云圻有古塚墮水甃有隱起字云筮

吉龜凶八百年落江中謝靈運取甃詣京師咸傳觀焉

灘

顧墅灘



澗

碧澗見靈運詩

汀

橫汀志云在東山側晉謝氏所居

渡

上浦渡東山西南四里

指石渡

東山志卷之二

古蹟

第宅

謝太傅宅志云今國慶寺乃太傅舊居世說註引晉陽秋謝安石家於會稽上虞縣優游山林六七年間徵召不至太傅居東山實二十餘年此乃太傅未出時也

謝車騎宅酈道元水經云嶧山東北太康湖晉車騎將軍謝玄舊居所在右濱長江左傍連山平陵脩道澄湖遠鏡於江曲起



樓之側悉是桐梓森聳可愛居民號為桐亭樓之兩面臨江盡升眺之勝蘆人漁子汎濫滿焉湖中築路東出趨山路甚平直山有三精舍高薨凌虛垂簷帶空俯眺平湖杳然在下水陸寧宴江有琵琶圻臨江有石牀名釣魚臺

謝康樂宅晉謝靈運宅在始寧山中與太傅宅當不甚遠本傳云有故宅及墅作山居賦以自見

### 寺院

寶積寺今在嵎縣游謝鄉十八都寺接車騎山晉謝玄所居有車騎燕坐石

涼泉寺今在國慶寺東南三十里田地租稅至今供奉太傅祭品山上有遺墓世傳謝墓

國慶禪院志云謝太傅故宅自晉至今寺僧供奉香火

湖頂寺今去縣北二十里山田租稅至今修理太傅祠宇

靈源菴今在嵎縣北十里游謝鄉十九二十都亦奉謝氏香火南麓菴在東山南四里近斗牛橋

百家廟在東山西南指石山頂



祠

太傅祠在東山同祀謝車騎康樂及惠正文正二公祔焉

謝仙君祠在嵗縣北十五里游謝鄉巖中世傳仙君謂靈運也

亭

東眺亭在東眺山之頂舊址猶存

西眺亭在西眺山之頂舊址猶存

圍棋亭在國慶院無塵樓上

薔薇亭在東山之麓舊址猶存

接待亭在國慶院之東正德十一年八月上虞縣知縣劉近光

建屋五楹以待登游賓客嘉靖十六年紹興府太守湯篤齋公

又建一亭匾其門曰越東形勝旁揭一聯云日月東西及曠江

山左右畫圍

軒

白雲軒在國慶院之後

懷謝軒志云紹興初邑令張彥聲建亭於簡公題詩云此日開

軒懷謝傅直緣談笑破符豎

柱



西莊在葛仙鄉傳云謝康樂之別墅也

精舍

石壁精舍 十道志云在石壁山南對小山方正如樓世號鼓吹樓謝靈運有石壁精舍詩文選註云湖三面悉高山枕水渚山谿澗凡有五處南第一舍在所謂石壁精舍

嶠山精舍 水經云嶠山東北有太原湖晉車騎將軍謝玄舊居湖中築路趨山之中有三精舍詳見車騎志下  
水東精舍 在東山南四里

齋

讀書齋 見靈運詩

樓

臨江樓 謝靈運名山志云從臨江樓步路南上二里許左望湖中右傍長江

南樓 靈運游名山志云始寧又北轉一汀七里直指舍下園南門樓自南樓百步許對橫山

桐亭樓 在車騎山中



堂

明月堂在國慶院之後

四周堂東山西南指石山下

影堂在國慶院之後奉文靖康樂二公真容并塑像

臺

釣魚臺見車騎宅下

處

謝公宿處今在嵯縣李白詩謝公宿處今尚在李嘉佑詩所謂

王謝登臨處是也

王謝飲水處今在嵯縣北二十里按刻錄云世傳王謝諸人雪

後泛舟至剡徘徊不能去曰雖寒強飲一口古人於名賢一言

一動許書備錄如此

墅

圍棋墅在東山之頂

南墅在東山之東二十里謝密謝澹謝覽謝舉皆居此

顧墅在東山西五里志云杜京產與同郡顧歡同契在東山關



舍授學世傳顧歡家墅于此一作故墅

始寧墅在東山靈運游覽之地

路

調馬路在東山之西太傅調馬之處

園

始寧園見靈運詩

二園見山居賦

舊園見靈運詩

東園上有接待亭

池

飲馬池在東山西二里

洗屐池東山路側志云俗傳康樂遺迹以其登山躡屐也然華

安仁考古詩云謝公白首乘軒地長記滄波洗屐時又指言謝

文靖耳

月池在世墓東南

中家池西眺下承蔭寺田



東山志卷之三  
塘堽池見山居賦塘堽連縱

沼

和沼見山居賦

井

謝家井去東山四里

橋

石橋見山居賦凌石橋之莓苔

斗牛橋

田

上田山居賦註云上田在下湖之水口名曰田口

南田文選註云靈運所居之南

文靖遺田相傳文靖所遺國慶院之田不下數千畝今止存九

十七畝三分八厘九毫及謝懸八堡坂田一百八十三畝寺僧

供奉香火

墓

謝氏世墓



太傅文靖謝公安墓紹興志上虞志俱云在上虞縣西南四十  
五里又云今東山西有太傅墓按金陵有謝安墓蓋平都此地  
公平于官權厝焉傳曰東山之志始末不踰欲從海道還東後  
子孫因成其志復申首丘之義歸葬東山今二志俱載墓域明  
白可考是知金陵墓者存其舊也况謝玄疏云欲從正叔臣安  
退身東山則文靖墓在上虞東山無疑及考杜子美有故房相  
公靈櫬自閬州起殯歸葬東都詩云孔明多故事安石竟崇班  
杜子列二公為証者蓋諸葛公仕成都歸葬琅瑯謝公仕南都  
歸葬東山正與房公事相類也隆慶六年壬申巡按御史謝廷  
傑重修

左將軍獻武謝公玄墓

秘書郎謝公瑛墓靈運傳云父祖並葬始寧山中則知祖謝公  
玄父謝瑛其墓俱在上虞東山

侍中司空忠肅謝公琰墓

侍中謝公邈墓

太常謝公靖墓



散騎常侍謝公冲墓

建昌侯謝公峻墓

驃騎參軍謝公肇墓

南康郡公謝公明慧墓

康樂公謝公靈運墓

按謝玄求歸疏叔安兄靖殂背稚子天昏同生七人凋落得  
及視息瞻親墳栢又按孫枝東山攷車騎親載旅櫬申首立  
靖與同生七人昭穆相從於東山又按謝邈謝明慧死難方

明逃免營葬山垞數年乃畢沈約贊為平世備禮無加是舉  
數十喪皆于始寧卜宅兆而安厝之又按晉書謝瑛謝肇謝  
峻遇害天子哀其死營葬盡出朝命則翁仲墜道始寧增隴  
尤多則知謝氏墳墓在東山者自安石以下何啻數十觀東  
山攷歷々可見但世代遼遠湮蕪于荆棘陵夷為山隴今尚  
有故老相傳及人力開露者得四五域東山路下遺翁仲二  
甚有古意王銍記云自文靖之後子孫居此生以為家死葬  
其地猶不忍舍去非一二世而止也東山西灣大墳頭小墳



頭謝氏世墓所在故總謂之謝氏世墓

翰林直學士謝公崇墓譜云葬南墅謝公墓次謝嵩墓譜云葬南墅謝公墓次

長洲尹謝公鑑墓譜云葬南墅謝公墓次

臨安教官謝公鍛墓譜云葬南墅謝公墓次

小相公墓志云古嶸故港之傍有高塚曰小相公墓故老皆云謝氏祖墓也

晉大傅文靖謝公神道隆慶六年巡按監察御史謝廷傑重修



東山志卷之三

東晉

人物

謝鯤字幼輿安之伯父也祖續典農中郎將父衡國子祭酒鯤少知名通簡有高識不修威儀好老易能歌喜鼓琴為中朝以達中人王衍嵇紹並奇之太傅東海王越聞其名嘗辟為掾任達不拘左將軍王敦引為長史以討杜弢功封咸寧侯敦有不臣之迹顯于朝野鯤知不可以道匡弼乃優游寄適



六屑政事從容諷議卒歲而已是時朝望被害皆為其憂而  
鯤推理安常時進正言敦既不能用內亦不悅仕至豫章太  
守尋奉官時年四十三敦死後追贈太常謚曰康少嘗行經  
空亭中夜宿此亭舊每殺人將曉有黃衣人呼鯤字令開戶  
鯤憺然無懼色便於窗中度手牽之縋斷視之鹿也尋血路  
獲焉尔後此亭無復妖怪

謝尚字仁祖豫章太守鯤之子也幼有至性七歲喪兄哀慟親  
戚異之八歲神悟夙成鯤常携之送客或曰此兒一坐之顏

回也尚應聲曰座無尼父焉別顏回席賓莫不嘆異年十餘

歲遭父憂丹陽尹溫矯吊之尚號咷極哀既而收涕告訴舉  
止有異常童僑甚奇之及長開率穎秀辨悟絕倫略細行

不為流俗之事好衣刺文袴諸父責之因而自改遂知名善

音樂博綜衆藝司徒王道深器之比之戎常呼為小安豐辟  
為掾襲父爵咸寧侯尚為政清簡始到官郡府以布四十疋

為尚造烏巾帳尚壞之以為軍士襦袴建元二年詔為南中

郎將永和中拜尚書僕射都督江西淮南諸軍事前將軍豫



州刺史給事中鎮歷陽加都督豫州揚州之五郡軍事在任  
有政績上表求入朝因罷京師署僕射事尋進號鎮西將軍  
鎮壽陽尚於是採拾樂人拜制石磬以備大樂江表有鍾石  
之樂自尚始也升平初又進都督豫冀幽并四州卒于歷陽  
時年五十詔贈散騎常侍衛將軍開府儀同三司謚曰簡無  
子從弟奕以子康襲爵早卒康弟靜復以子肅嗣又無子靜  
子虔以子靈祐繼胤後

謝奕字奕石少有名譽初為刺史有老人犯法奕以醇酒飲之

醉猶未已安時年七八歲在奕膝前諫止之奕為改容遣之

從兄尚有德政既卒為西藩所思朝議以奕立行有素必能

嗣尚事乃遷都督豫司冀并四州軍事安西將軍豫州刺史

假節未幾卒官贈鎮西將軍三子泉靖玄泉早有名譽歷義

興太守靖官至太常奕素與桓溫善溫辟為安西司馬時猶

布衣好在溫座岸幘笑咏無異平日桓溫曰我方外司馬奕

每因酒無復朝廷禮嘗逼溫飲酒走入南康王間避之王曰

君若無狂司馬我何由得相見奕遂携酒就聽事引溫一兵



帥共飲曰失一老兵得一老兵亦何所怪溫不之責

謝安字安石其先陳郡陽夏人自祖衡寓居會稽東山遂為越人父哀太常卿安年四歲譙郡桓彝見而嘆曰此兒風神秀徹後當不減王東海及總角時便神識沉敏風宇條暢善行書弱冠詣王濛清言良久濛謂子脩曰此客輿之一來逼人王導亦深器之由是少有重名初辟司徒府除左著作郎並以疾辭居會稽東山與王羲之高陽許詢桑門支遁游處出則漁弋山水人則言詠屬文無處世意揚州刺史庾冰以安

有重名必欲致之幕下郡縣敦逼不得已赴召月餘告歸復

除尚書郎瑯琊王友並不起吏部尚書范汪舉為吏部郎安

以書拒絕之有司奏安被召歷年不至禁錮終身遂棲遲東

土常往臨安山中坐石室臨濬谷悠然嘆曰此與伯夷何遠

嘗與孫綽等汎海風起浪湧諸人並懼安吟嘯自若舟人以

安為悅猶去不止風轉急安徐曰如此何歸耶舟人承言即

回咸服其雅量安雖任情丘壑然每游賞必以妓女從既累

辟不就簡文帝時相曰安石既與人同樂必不得不與人



同憂召之必至時安弟萬為征西中郎將總藩任之重安雖  
處衡門其名猶出萬之右人皆以公輔期之處家常以儀軌  
訓子弟安妻劉惔妹也既見家門富貴而安獨靜退乃謂曰  
大丈夫不如此也安掩鼻曰恐不免耳及萬黜廢安始有仕  
進志時年四十餘矣桓溫請為司馬將發新亭朝士咸送中  
丞高崧戲之曰卿屢違朝旨高臥東山諸人每相與言安石  
不出將如蒼生何蒼生今亦將如卿何安甚有愧色既到溫  
甚喜言生平歡笑竟日既出溫問左右頗嘗見我有如此容  
否溫後詣安值其理髮安推遲緩久而方罷使取幘溫留見  
之固令司馬著情進見其重如此尋除吳興太守在官無當  
時譽去後為人所思頃之徵拜侍中遷吏部尚書中護軍簡  
文帝疾篤溫上疏荐安宜受顧命及帝崩溫入赴山陵止新  
亭大陳兵衛將移晉室呼安及王坦之欲於坐中害之坦之  
甚懼問計於安安神色不變曰晉祚存亡在此一行既見溫  
坦之流汗沾衣倒執手版安從容就曰安聞諸侯有道守在  
四鄰明公何須辟後置人耶溫笑曰正自不能不尔耳遂笑



語移日坦之與安初齊名至是方知坦之少溫常以安所作簡文帝謚議示坐賓曰此安石碎金也時孝武帝寓於春秋政不由已溫威振内外人情噂沓互生同異安與坦之盡忠匡翼終能輯穆及溫病篤諷朝廷加九錫使袁宏具草安見輒改之由是歷旬不就會溫卒錫命遂寢尋為尚書僕射領吏部加後將軍及中書令王坦之出為徐州刺史詔安總關中書事安義存輔導雖會稽王道子亦賴弼諧之益時強敵寇境邊書續至安每鎮以和靜御以長筭德政既行文武

用命不存小察弘以大綱威懷外著人皆比之王導謂文雅過之嘗與王羲之登城悠然遐想有高世之志羲之謂曰夏禹勤王手足胼胝文王旰食目不暇給今四鄰多壘宜思自効而虛談廢務浮文妨要恐非當今所宜安曰秦任商鞅二世而亡豈清言致患耶是時宮室毀壞安欲繕之尚書命王彪之等以外寇為諫安不從竟獨決之宮室用成皆仰模玄象合體宸極而役無勞怨又領揚州刺史詔以甲仗百人入殿時帝始親萬幾進安中書監驃騎將軍錄尚書事固讓軍



號頃之加司徒後軍文武盡配大府又讓不拜復加侍中都督揚豫徐兗青五州幽州之燕國諸軍事假節時符堅強盛疆場多虞諸將敗退相繼安遣弟石及兄子玄等應機征討所在克捷拜衛將軍開府儀同三司封建昌縣公堅後率眾號百萬次于淮淝京師震恐加安征討大都督玄入問計安夷然無懼色答曰已別有旨既而寂然玄不敢復言遂命駕出山墅親朋畢集方與玄圍棋賭別墅安棋常劣於玄是自玄懼便為敵手而又不勝安顧謂其甥羊曇曰以墅乞一遂

游陟至夜乃還指授將帥各當其任玄等既破堅有驛書至安方對客圍棋看書既竟便攝放牀上了無喜色棋如故客問之徐答曰小兒輩遂已破賊既罷還內過戶限心甚喜不覺屐齒之折

以總統功進拜太保安方欲

混一文軌上疏求自北征乃進都督揚江荆司豫徐兗冀幽并寧益雍梁十五州軍事加黃鉞其本官悉如故置從事中郎二人安上疏讓太保及爵不許性好音樂自第萬喪十年不聽音樂及登公輔暮喪不廢又於土山營墅樓館林竹



甚盛每携中外子姪往來游集時會稽王道子專權而姦諂頗相扇構安出鎮廣陵之新城以避之帝出祖於西池獻觴賦詩焉安雖受朝寄然東山之志始末不渝每形於言色及鎮新城盡室而行造汎海之裝欲須經略粗定自江道還東雅志未就遂遇疾篤以本志不遂深自慨夫固悵然謂所親曰昔桓溫在時吾嘗懼不全忽夢乘溫輿行十六里見一白雞而止乘溫輿者代其位也十六里止今十六年矣白雞王酉今太歲在酉吾病殆不起乎乃上疏遜位詔遣侍中尚書

喻旨尋薨時年六十六帝三日臨于朝堂賜東園秘器朝服一具衣一襲錢百萬布千疋蠟五百斤贈太傅謚文靖以無下舍詔府中備凶儀及葬加殊禮依大司馬桓溫故事又以平符堅勲更封廬陵郡公安少有盛名時多愛慕鄉人有罷中宿縣者還詣安安問其歸資答曰有蒲葵扇五萬安乃取其中者捉之京師士庶競市價增數倍本能為洛下書生詠有鼻疾故其音名流愛其詠而弗能及或手掩鼻以數之及至新城築埭於城北後人追思之名為召伯埭羊曇者太山



人知名士也為安所愛重安薨後輟樂弥年行不由西州路  
嘗因石頭大醉扶路唱樂不覺至州門左右曰此西州門曇  
悲感不已以馬策扣扉誦曹子建詩曰生存處華屋零落歸  
山丘因慟哭而去其卻桓冲援兵人尤服其弘略云

謝萬安之弟也字萬石才器雋秀雖器量不及安而善自衒曜  
故早有時譽工言論善屬文敘漁父屈原季嘗與蔡系送客  
于征二亭與系爭言系萬落林冠帽傾脫萬徐拂衣就席神  
意自若坐定謂系曰卿幾壞我面系曰本不為卿面計然俱

不以介意時亦以此稱之弱冠辟司徒掾遷右司屬不就簡  
文帝卜相聞其名召為撫軍後事中郎萬着白綸巾霍髦裘  
履屐而前既見與帝共談移日拜豫州刺史領淮南太守監  
司豫冀并四州軍事假節王羲之與桓溫箋曰謝萬才流經  
通處廊廟參諷議固是後來一秀而今屈其邁往之氣以俯  
順荒餘近是違才易務矣溫不從萬既受任北征矜豪傲物  
常以嘯詠自高未嘗撫衆兄安深憂之自隊王將帥已下安  
無不慰勉謂萬曰汝為元帥諸將宜數接對以悅其心豈有



傲誕若斯而能濟事也萬乃召集諸將都無所說直以如意  
指四坐云諸將皆勁卒諸將益恨萬以為賊盛當退使引軍  
還衆果潰散狼狽單騎歸廢為庶人後復為散騎常侍卒時  
年四十二

謝石字石奴先是童謠云誰謂尔堅石打破故桓豁皆以石名  
子以邀功焉堅之敗也雖功始牢之而成於玄琰然石時實  
為都督焉少患面瘡療之莫愈乃自匿夜有物來舐其面隨  
舐隨舐處甚白故世呼為謝白面初拜秘書郎累遷尚書

僕射征句難以勲封興平縣伯淮淝之後詔石以將軍假節  
征討大都督與兄子玄琰破苻堅遷中軍將軍尚書令更封  
南康郡公于時學校陵遲石上疏請興復國學以訓胄子班  
下郡縣普修鄉校疏奏孝武帝納焉遷衛將軍加散騎常侍  
以公事與王恭不協上疏遜位詔諭令還歲餘不起表一餘  
上帝不許疾篤進位開府儀同三司加鼓吹未拜卒時年六  
十二石在職務存文利以宰相弟兼有大勲遂居清顯追贈  
司空謚曰襄子汪嗣早卒汪從兄冲以子明慧嗣孫恩所害



明慧從兄喻復以子 高嗣焉

謝玄字幼度少穎悟與從兄朗俱為叔父安所器重安嘗戒約子姪曰子弟亦何豫人事而正欲使其佳玄答曰譬如芝蘭玉樹欲使其生於庭階耳安悅玄少好佩紫羅香囊安患之而不欲傷其意因戲賭即取焚之於此遂止長有經國才略屢辟不起于時符堅強盛邊境數被侵寇朝廷求文武良將可以鎮禦北方安乃以玄應舉却超聞而歎曰安違衆舉親明也玄必不負舉才也時咸以為不然超曰吾嘗與玄共在桓公府見其使才雖履屐間亦得其任所以知之拜建武將軍交州刺史領廣陵相監江北諸軍事符堅自率兵次于項城衆號百萬詔以玄為前鋒都督徐兗青三州揚州之晉陵幽州之燕國諸軍事與叔父征 將軍石從弟輔國將軍琰等拒之衆凡八萬玄先遣劉牢之五千人直指洛澗斬堅將梁成等收其軍實堅列陣臨淝水玄軍不得渡玄使謂符融曰君遠涉吾境而臨水為陣是不欲速戰諸君稍却令將士得周旋僕與諸君緩轡而觀之不亦樂乎堅衆皆曰宜阻淝



水莫令得上我衆彼寡勢必萬全堅曰但却軍令得渡而我  
以鑊騎數十萬向水逼而殺之融亦以為然遂麾使却陣衆  
因亂不能止於是玄與琰伊等以精銳八千涉渡淝水石軍  
拒張蚝小退玄琰仍進決戰淝水南堅中流矢臨陣斬融堅  
衆奔潰死者不可勝計淝水為之不流餘衆奔甲宵遁聞風  
聲雀啖皆以為王師已至草行露宿重以飢凍死者十七八  
獲堅乘輿雲母車儀服器械軍資珍寶山積牛馬驢騾駱駝  
十餘萬詔遣殿中將軍慰勞進號前將軍假節固讓不受賜  
錢百萬采干疋既而安奏符堅喪敗宜乘其釁會以玄為前  
鋒都督徑造渦潁經略舊都以勲封康樂公玄請以先封東  
興侯賜兄子玩詔聽之更封玩豫寧伯玄還鎮遇疾上疏解  
職詔不許前後表疏十餘上久之乃授散騎常侍左將軍會  
稽內史玄既輿疾之郡十三年卒于官時年四十六追贈車  
騎將軍開府儀同三司謚曰獻武子瑛嗣秘書郎早卒子靈  
運嗣瑛

謝朗字長度父據早卒朗善言玄理文義豔發名並於玄總角



時病新起體甚羸不堪勞於叔父安前與沙門友遁講論遂至相善其母王氏再遣使令還安欲畱使竟論王氏因出云媳婦少遭艱難一生所寄惟在此兒遂流涕携朗去安謂坐客曰家姪辭情慷慨恨不使朝士見之朗終於東陽太守子重

謝瑤安之子也襲父爵官至琅琊王友早卒子談嗣終東陽太守無子弟光祿勳模以子承伯嗣劉裕以安勲德濟世特更封談弟澹為柴桑侯邑千石奉安祀

謝琰安之子也字處度弱冠以貞幹稱美風姿與從兄護軍淡雖比居不往來宗中子弟惟與才令者數人相接累遷散騎常侍侍中符堅之役安以琰有軍國材用出為輔國將軍以精卒八千與從兄玄俱陷陣破堅以勲封望蔡公孫恩逃於海島朝廷憂之以琰為會稽內史都督五郡軍事琰既以資望鎮越王議者謂無復東顧之虞賊既至琰敗績于秋亭帳下都督張猛斫琰馬琰墮地與二子肇峻俱被害後劉裕生擒猛送琰小子混混劊肝生食之詔以琰父子隕於君親忠



孝萃于一門贈琰侍中司空謚忠肅三子肇峻混肇歷驃騎  
參軍峻以琰勲封建昌侯及沒於賊詔贈肇散騎常侍峻散  
騎侍郎

謝韶萬之子也字穆度少有名時謝氏尤以韶秀者稱封胡羯末  
封謂韶胡謂朗羯謂玄末謂川皆其小字也韶朗川並早卒  
惟玄以功名終韶至車騎司馬韶子恩字景伯宏達有遠略

為黃門郎武昌太守恩二子

謝邈字茂度父鐵永嘉太守邈性剛硬無所屈撓有理識累遷

侍中時孝武帝酺樂之後多賜侍臣文詔辭義有不雅者邈  
輒焚毀之其他侍臣被詔者或宣揚之故論者以此多邈後  
為吳興太守邈妻却氏甚妬邈先娶妾却氏女怨懟與邈書  
告絕邈以其出非婦人辭疑其門下生仇玄達為之作遂斥  
玄達玄達怒遂投孫恩并害邈兄弟竟至滅門贊曰安西英  
爽才兼辨博宣力方鎮流聲臺閣太保沉浮曠若虛舟任高  
百辟情惟一丘琰邈忠壯奕萬虛放為龍為光或卿或將偉  
哉獻武功宣授斧鉞剪凶渠幾清中寓



謝敷字慶度石之子也性澄靖寡欲入太平山十餘年鎮軍知  
惜召為主簿臺徵博士皆不就初月犯少微一名處士星占  
者以隱士當之譙國戴逵有美才人或憂之俄而敷死故會  
稽人士以嘲吳人云吳中高士便是求死不得

謝氏字道韞安西將軍奕之女也適王凝之聰識有才辨叔父  
安嘗問毛詩何句最嘉道韞稱吉甫作頌穆如清風仲山甫  
永懷以慰其心安謂有雅人深致又嘗內集俄而雪下安曰  
何所似也安兄子朗曰撒鹽空中差可擬道韞曰未若柳絮  
因風起安大悅初適凝之還甚不樂安曰王郎逸少子不惡  
汝何恨也答曰一門叔父則有阿大中郎群從兄弟復有封  
胡羯末不意天壤之中乃有王郎

又嘗譏玄學植不進曰為塵務

經心為天分有限焉凝之弟獻之嘗與賓客談義詞理將屈  
道韞遣婢白獻之曰欲為小郎解圍乃施青綾步障自蔽之  
前議客不能屈及遭孫恩之難舉措自若既聞夫及諸子已  
為賊所害方命婢肩輿抽刃出門亂兵稍至手刃數人乃被



虜其外孫劉濤時年數歲賊又欲害之道韞曰事在王門何  
關他族必其如此寧先見殺恩雖毒虐焉之改容乃不害濤  
自爾娶居會稽家中莫不嚴肅太守劉抑聞其名請與談義  
道韞素知抑名亦不自阻乃簪髻素褥坐于帳中抑束脩整  
帶造于別榻道韞風韻高邁叙致清雅先及家事慷慨流連  
徐酬問旨詞理無滯抑退而嘆曰實頃所未及見瞻察言氣  
使人心形俱服道韞亦云親從凋謝始遇此士聽其所問殊  
開人胸腑初同郡張玄妹亦有才質適于顧氏玄每稱之以  
敵道韞有濟尼者游于二家或問之濟尼答曰王夫人神情  
散朗故有林下風氣顧家婦清心玉潔自是閨門之秀道韞  
所著詩賦誄頌並傳于世

謝重朗之子也字景重明秀有才名爲會稽王道子驃騎長史  
子綯字宣映官至鎮軍長史子世基

謝裕字景仁朗弟允之子允字令度位宣城內史景仁幼爲從  
祖安所知元顯嬖人張法順權傾一時內外無不造門惟景  
仁不至景仁博聞強識善叙前言往行武帝目之曰此名公



孫也官至左僕射武帝雅相知重申以婚姻廬陵王義真妃  
景仁女也卒贈金紫光祿大夫葬日武帝親臨甚慟

謝純字景懋景仁弟也劉毅鎮江陵以為衛軍長史南平相  
謝魁純弟也字景魁佐司徒右長史

謝述魁弟也字景先小字道兒少有至行隨純在江陵純遇害  
述奉純喪還都至西塞遇暴風純喪舫流漂不知所  
在述乘  
小舡尋求經純妻庾舫過庾遣人謂曰小郎去必無及寧可  
存亡俱盡耶述號泣答曰若安全至岸尚須營理如其已歟

意外述亦無心獨存因冒浪而進見純喪幾沒述號叫呼天  
幸而獲免咸以為精誠所致武帝聞而嘉之嘗為吳興太守  
官至左衛將軍莅官清約私無宅舍義康遇之甚厚尚書僕  
射殷景仁領將軍劉湛並與述為異常之交述美風姿善舉  
止湛謂人曰我見謝道兒未嘗足及劉湛誅義康外鎮將行  
嘆曰謝述唯勸吾退劉湛唯勸吾進述亡而湛存吾所以得  
罪也文帝亦曰謝述若存義康必不至此三子綜約緯

謝澹字景恒晦從叔也祖安晉太傅父瑤琅瑯王泰澹任達仗



氣不營當世與順陽范泰為雲霞之交官至侍中特進金紫  
光祿大夫

謝璞字景山幼孝友祖安深賞愛之位光祿勳

謝混字叔源少有名譽善屬文初孝武帝為晉陵公主求壻謂  
王珣曰主壻但如劉真長王子敬便是珣對曰謝混雖不及  
真長不減子敬帝曰如此便足未幾帝崩袁粲欲以女妻之

珣曰卿莫近禁鬻初元帝始鎮建業公私寤齋每得一純以  
為珍膳頂上鬻尤美輒以薦帝羣下未嘗敢食于時呼為

禁鬻故珣因以戲之襲父爵桓玄嘗欲以安宅為營混曰召  
伯之仁猶惠及甘棠文靖之德更不保五畝之宅耶玄聞慚  
而止歷中書令中領軍尚書左僕射

謝方明裕從祖弟也祖鐵字鐵石位永嘉太守父冲字秀度中  
書郎病歸為孫恩所害贈散騎常侍方明隨伯父吳興太守  
邈在郡孫恩寇會稽東土諸郡響應方明勸邈避之不從遂  
被害方明逃免時亂後吉凶禮廢方明合門遇禍資產無遺  
而營舉凶功盡力數日葬送並畢平世備禮無以加也方明



嚴恪善自居遇雖暗室未嘗有惰容宋武帝受命位侍中丹陽尹有能名轉會稽太守方明簡汰精當各得所宜東土稱詠之性尤愛惜未嘗有所是非承代前人不易其政必宜改者則漸變使無迹可尋

謝靈運安西將軍奕之曾孫祖玄晉車騎將軍父璜僕秘書郎靈運幼穎悟玄甚異之謂親知曰我乃生瑛瑛兒何謂不及我靈運少好學博覽羣書文章之美為江左第一從叔混特加愛之襲封康樂公為琅琊王大司馬行參軍性豪侈車服

鮮麗衣物多改舊形制世共宗之咸稱謝康樂也後為臨川內史在郡游放為有司所劾收靈運靈運興兵遂有興復志為詩曰韓正子房奮秦帝魯連耻來自江海人忠義感君子追討擒之送廷尉廷尉正刪去愛其才欲免官而已彭城王義康堅執謂不宜恕詔以謝玄勲參微管宜宥及後嗣免死徙廣州文帝時竟以事詔於廣州弄市臨死作詩曰龔勝無餘生李業有終盡稽公理既迫霍生命亦殞所稱龔勝李業猶前詩子房魯連之意也時元嘉十年年四十九靈運父



祖並葬始寧并有故宅及墅遂移籍會稽脩營業傍山帶  
江盡幽居之美與隱士王弘之孔淳之等放蕩為娛有終焉  
之志每有一詩至都下貴賤莫不競寫宿昔間名動都下作  
山居賦并自注以言其事所著文章並傳於世

謝瞻字宣遠晦次兄也六歲能屬文與從叔混族弟靈運俱有  
盛名嘗作喜霽詩靈運寫之混詠之王弘在座以為三絕晦  
為宋臺右衛還都迎家賓客輻湊時瞻在家驚駭謂晦曰吾  
家以吾退為業汝遂勢傾朝野此豈門戶福耶官至豫章太

守

謝晦字宣明衷之玄孫重之子也重字景重會稽王道子驃騎  
長史重子絢瞻晦暉遜絢位至宋文帝鎮軍長史早率晦美  
風姿善言笑眉目分明髮鬢如墨涉獵文義博瞻多通時人  
以方揚德祖微將不及晦聞猶以為恨時謝混風華為江左  
第一嘗與晦俱在武帝前帝目之曰一時頓有兩玉人耳官  
至領軍將軍加散騎常侍入直殿省總統宿衛少帝即位加  
中書令與徐傅輔政進封建平郡公子世休女為彭城王義



康妃

謝疇字宣鏡年數歲生母郭氏疾疇晨昏溼清勤容戚顏未嘗  
暫改母為疾畏驚一家尊卑感疇至性咸納履行屏氣語如  
此者十餘年官至黃門侍郎子世平

謝恂裕子也字泰溫位鄱陽太守恂子孺子少與族兄莊齊名  
多藝能尤善聲律車騎將軍王彧嘗與孺子宴桐臺孺子吹  
笙或自起舞既而歎曰今日直使人飄飄有伊洛間意官至  
百陽太守

謝綜有才藝善雜書為太子中舍人

謝緯尚宋文帝第五女長城公主才雅有父風位正員郎







